

中國方志叢書·華中地方·第二一號


據

清·斐大中等修·秦細業等纂  
清·光緒七年刊本

影印

江蘇省

# 無錫金匱縣志



skb566

成文出版社有限公司印行



\*10098227\*

中國方志叢書·華中地方·第二二號


據

清·斐大中等修·秦細業等纂  
清·光緒七年刊本

影印

江蘇省

# 無錫金匱縣志



sk/25/68

成文出版社有限公司印行



\*10098228\*

229  
489 100

中國方志叢書·華中地方·第二一號


據

清·斐大中等修·秦緝業等纂  
清·光緒七年刊本

影印

江蘇省

# 無錫金匱縣志



sk/25/ok

成文出版社有限公司印行



\*10098229\*

中華民國五十九年六月壹一版

# 無錫金匱縣志

全三冊

發行人：**黃成助**

出版者：**成文出版社有限公司**

台北郵政信箱二二六〇五號  
台北市羅斯福路三段279之二號  
電話：三七〇一三二號

印刷者：**東南印製廠有限公司**  
和平西路二段70巷83弄29號

內政部登記證內版台業字第一一四七號

無錫金匱縣志序

郡縣之有志猶國之有史以公允為上文法次之惟歷朝當時實錄往往無傳其傳者皆後代所勅脩或出於一人之手去其時遠可無請託之病若以邑人而脩邑志非其戚族即其故舊非多瞻徇即多顧忌然隱惡揚善猶不失為聖賢之用心倘以善為惡以惡為善則顛倒是非何以傳信於後此作志之難也吾錫之志昉於有宋其書佚之已久而元王仁輔志四卷則往時藏書家多有之其後明凡三脩我朝康熙乾隆兩志均脩於庚午雍正初析無錫地為金匱縣華徵君希閔別為金匱志然錫金既同城無錫金匱縣志序

山川人物未可分屬故先侍郎重脩嘉慶志合無錫金匱而名之允矣道光中未及統脩有續志之刻閱今又四十餘年載經兵燹典章文物無不蕩然幸 聖主中興復觀 承平制作志之宜復編纂誠亟亟已會光緒二年大府欲脩省志而令各郡縣先為志書以進於是邑之人謬使細業總其事業於先侍郎無能為役况一官攸梓室數藏書見聞孤陋懼弗克勝既而分纂諸君各撰人物傳文寄示業畧加點定而建置沿革山水疆域壇壝祠廟各門舊志間有疎漏者猶待考核而賦役之毀闢為卡去稅為釐尤前古所未有粵寇之亂城為賊踞者三歲百戰而後

復之不能無所記載未可仍附兵防從孫寶璣篤志讀書沈潛問學因屬其悉心考證重加編次庶無遺憾其舊圖則訛舛滋甚楊君昌初曾在江蘇輿圖局足履手量不同沿譌襲故爰取其法復周歷測量繪為新圖視昔加密矣或者以輕易舊志不守先法為詬病不知志乘非一家之書補闕正譌實事求是而止不敢僭亦不敢襲焉若夫瞻徇子姓顛倒是非諸弊固前志之所無余小子亦差足自信云耳閱五載書成爰授之梓而上之大府其贊皆出於兩縣大夫所鑄賦餘因一時未集暫移重建尊經閣費隨後歸款故并識之光緒七年辛巳春三月二品頂戴歷署

無錫金匱縣志序

浙江鹽運使金衢嚴道候補道邑人秦細業序



原序

邑有志所以志一邑之事也凡古今建置沿革與夫山川道里人物風土事之變故無細大美惡皆據其實而書之故謂之志志也者一邑之實錄也然其事雖循故實而其文則史於是乎有去取有子奪有抑揚勸戒之義嗚呼志豈易作哉非志之難作志者之難其人也無錫為東南文獻巨邦舊有二志前志勝國時鞏昌王仁輔所編至我朝景泰間鄉先輩馮擇賢又續為之然識者謂前志失之拘續志失之駁駁與拘皆不足以信今傳遠况遭逢聖代隆平日久中間生齒之繁創置之廣科目人才之盛視昔相

無錫金匱縣志

原序

一

去什百則所以增益而釐正之不有賴於後之君子哉然遲遲數十年來迄莫有能為之者宏治初鄉前輩藻菴吳鳳翔綱菴李舜明兩先生始相與其謀為之藻菴力學好古博極羣書凡所以參互考訂博采旁求而著述之實有以身任其責至裁正而折衷之則綱菴居多焉本之以郡乘參之以史籍大致雖仍其舊而立義著例則斷以己意最道德羞功利表山林之高尙黜宦績之卑汙名雖志實則史也夫昔鄭國辭命更禪謀世叔諸賢之手而孔子亟稱其美今是志之作以兩先生才力相埒協謀而共成之是宜其卓卓可稱也已後之作國志者欲考吾邑之事其

尚徵於斯哉志成其錢梓之費一出同邑鄭佑之佑之讀書尚義平生多奇節偉行此其一節云宏治甲寅江西右布政使致仕秦夔

今天下郡邑之有志猶古列國之有史所以昭信垂遠法不可缺吾錫自秦伯端委以來號稱名都其風土殊麗文物秀雅甲於吳下而世遠籍漚不少繫見勝國時王文友氏始為之志我明景泰中馮擇賢氏加修焉宏治初吳鳳翔李舜明氏則又再修迄今八十年所其間生聚繁滋法制因革與夫人材消長習俗變易不可勝紀苟文獻不足後將何徵歲隆慶壬申臨川念庭周侯來蒞錫廉明儆儆

無錫金匱縣志

原序

二

施政發教不踰年而四封之內輿廩向風一日攬山川按圖籍披舊志而病其歲久且逸也遂躬走幣謁余而請曰前志修於吳李二君而序其端者方伯公也先生嗣居方伯而世其學豈有意乎願圖新志於先生也余謝不敏侯國請毋讓乃設局公署屬余統其事檄諸生秀而文者華子泮李子時芳尤子璿盛于盤余弟柄佐之於是相與揚扆編摩彙昔三志覈其故實整其世次蕪濫者芟之舛雜者釐之自宏治甲寅迄萬曆改元蒐羅放失咸就詮次統為目十卷二十有四志與地表封域也志宮室備規制也志食貨重賦役也志兵防戒不虞也志人物崇賢哲也志

官師彰勳戒也志選舉徵仕進也志文藝示考信也外志以裨其逸雜志以綜其餘蓋一時文獻燦然足徵後有考者其弗在茲乎是役也竊從先大夫之後矢心畢力閱月者六易草者再其事則增於前其文則損於舊即未有裨於治化庶幾備采於民風或亦可無愧先大夫所論著矣然余顧有深懼焉志於王而或議其拘也志於馮而或議其駁也志於吳若李而或議其陋也拘駁且陋病於史則均均不足以傳又安知後之議今不猶今之議昔者乎惟侯命不可虛爰識此以俟來者萬曆甲戌江西右布政使致仕秦梁

無錫金匱縣志

原序

三

蓋余令無錫十有三年嘗有事於縣志而未竟也謬以凡

材累膺

特簡去錫入閩由閩而粵執掌風塵久委志囊殘篋中繼余爲令者類不能久於其職獨今山陰徐侯孝思初下車即奉檄分輯江南通志因搜余彙副本補綴以上而縣志未有專書

天子睠念東南舉時巡之典甲子迄己巳五年之間再幸

錫山前後有

御製詩三章兼賜

宸翰品泉二字勒之山亭於是田夫牧豎瞻望

天顏歌舞於道時則宮論秦君對巖宮允嚴君藕漁適同在里居恭迎道左退而圖所以記其事者於是徐侯持舊志謁兩君以請既載筆之明年志成將授之梓以余先職草創相與郵示海南而屬爲之序夫志猶史也雖其體有大小詳畧之不同要以助賞罰裨政教厚風俗礪人才權均而義一必平恕其心謹嚴其法然後可以傳遠而無憾錫自端委開基至今文獻之盛甲於天下稱爲名邦人無異議也然而日月積差江河溢觴有世道人心之責者尤當治其本并防其末激其濁益揚其清往與諸君子約雖彰善之典固所勇爲而矜慎愛惜之心猶未嘗不懷焉兩

無錫金匱縣志

原序

四

君以史才嘗珥筆

天子之庭有日矣宜今之所輯寬嚴濟繁簡裁鉅細該勸懲備其體裁之正文辭之雅雖以黼黻

皇猷助揚滔化夫何忝乎哉徐侯不忘前勞請署名簡端余不敏無足以爲重惟是錫之山川郊郭亭臺竹樹某水某邱歷歷往來胸臆問今一展卷若按跡而重遊也詩云中心藏之何日忘之故聊述其終始之意以復於侯康熙庚午兵部尙書都察院右都御史兩廣總督三韓吳興祚無錫志可考者自元處士王仁輔始至明凡三修自後闕而不修者殆百餘年萬曆以後稅政日多變故紛起一切



規制漸失其舊而東林諸君子倡明正學於斯時故吾邑風義節烈之事卓然可紀者衆我

朝定鼎幾五十年仁厚至化汪濊淪浹凡賦役田土人民風俗一還於古邇者

皇上南巡駐蹕錫山重以

宸翰詩章輝煌泉石千古未有之典被於一邑則志之修其可緩與夫事變多則不勝書人物衆則難備載非綜其詳則慮過簡非提其要則慮過繁故凡史乘之作操牘者初非不欲盡善及其成或偏而不該或泛而無當則甚矣其難也松齡少壯時閒居多暇輒取鄉里見聞之事手寫

無錫金匱縣志

原序

五

成帙而從祖侍御大音先生授以前輩傳誌之文甚備會三韓吳公來宰吾邑議修邑志一時精神文學之士分任編纂松齡則與受業師錢先生肅潤從叔文學保寅鍵關山園博稽旁采凡建置沿革官司選舉詩文雜識粗有端緒未幾松齡奉

命赴楚軍而吳公亦遷閩臬去事中輟後松齡再入史館與宮允嚴先生同修明史遇鄉邦耆舊有善可書者未嘗不低徊慨想鄭重載筆且冀邑志終於有成以畢前願而未遑也甲子罷官歸宮允亦請假里居邑宰徐侯遂以邑志相屬乃與宮允更取前後諸書及除繁芟別立義例

其事關利病必請於徐侯而後屬草顧松齡多病未獲如

昔之專勤而宮允矻矻編摩無間寒暑詮次翦裁皆出自

杆軸必公必慎不避府怨蓋數易棄而告成宮允之於是

書可謂盡心焉矣其徭賦則從叔戶部公止鈞稽綜嚴纖

悉必詳餘則文學張君夏熟於舊聞間相商權夫以一邑

之志自吳公始爲之歷二十年至徐侯而克就書之成不

其難哉是書雖未知其果盡善與否而後之覽者考其前

後戶口賦役之登耗人材物產之消長可展卷得之而

聖治之宏被於一邑者百世而下猶爲興起而增慕也若

夫徐侯蒞錫八載政理人和百廢具舉而尤孜孜於邑志

無錫金匱縣志

原序

六

之成且亟謀付梓以垂永久其意豈今之爲令者所及哉刻既成徐侯以松齡與有撰輯之勞不可無言簡端爰敘其始末如此康熙庚午舊史官秦松齡

縣之有志所以載方隅之事而已然古者列國有史掌書國中之事以達於王而天子有小史外史以掌邦國四方之志亦猶今郡縣所上其積之至於天下而良之爲一代之全史皆是物也夫志之重若此是故學士大夫不輕爲之況吾無錫爲縣地方百里比古公侯之國而當南北衝要其山川土田城郭寺舍學校錢穀以至今古吏治人材風俗變移消長繁委紛錯誠有非偏隅所可同者乃志之

不修自明萬歷以迄 本朝百有餘年於此矣

天子綜覽方輿注心圖籍命天下府縣纂輯新志以上而無錫迄未有成書常與宮諭秦先生言而惜之各官於朝未暇斯役今相次歸里門又繩以抱病鍵關歷稔於是邑宰徐侯屢以為言念方在都屬有前約且以全史校之則此為識其小者夫大之既曠厥職而小復以不能辭代植之詩其謂之何且避而不為與為之而無當均之愧耳用不自揆謀於宮諭相與彙集元明以來四志與制府吳公宰邑時檄修而未竟之書傍及邑諸家雜著之有關於掌故者將刪其繁復而補綴其闕遺訂其異同而別裁其傳

無錫金匱縣志

原序

七

會乃繩幼不學問長益善忘既鮮藏書亦非臨事掇拾所可文其固陋交游落落漸於當世之務無復見聞而衰疾交攻即咫尺山川莫能身履故雖窮年手抄加以宮諭之是正猶恐疏闕既多訛謬未盡況從來記述事有關於當世鮮不叢誦故范石湖為吳郡志有求載某事不獲者於其尋歿派為偽書於是藏於學官久而始白其真夫以彼且然況其不如石湖者訕議何所不可然此於舉筆之日固已辨之嗟乎名之於人豈不重哉片言微辭變易輕重苟以就私意而徇所聞甚或挂乞米之議有一於此必有天殃斯與宮諭從事史館所共旦旦誓之者也豈茲以邑

志為識其小者而敢不懼焉自徐侯之治吾錫舉措無不悉中體要顧於是役不勝拳拳及集成而謬以為可遂加鑒定請捐俸入以事劖劂既不可止因述其意序而授之康熙庚午舊史官嚴繩孫

無錫縣為常州屬邑而其地則介於蘇常兩郡之間為南北要衝其境內無大山長谷荒駢險阻而運河自京口建儀而下邑中諸溪受而注之於太湖太湖繞邑西南川流縹緲遞相灌輸雖為澤國厥壤稱上腴焉其人士多秀傑能文章尚節義名公鉅卿後先接軫惟水具材豈不信與邑之有志始於元處士王仁輔至 本朝康熙庚午已閱

無錫金匱縣志

原序

八

四修凡所紀載輒然備矣顧修志以後又六十年年時既積事蹟增多且自雍正甲辰折置金匱邑分志合名實乖舛非所以示後來也知無錫縣事王君錫廷禮邑中名宿華徵君希閔顧司業棟高浦教授起龍顧進士奎光分曹纂輯能集於衆議準諸公叩分臚列總若干卷辛未秋余命來撫吳而書適成王君適以志序為請余惟班固志地理而諸史宗之厥後郡有郡志邑有邑志其體雖若不侔而其始皆本於書之禹貢周禮之職方禹貢自冀至雍凡五百餘言而九州之山川土田貢賦物產無一不具職方

自東南揚州至正北并州僅四百言而山澤川浸利之所  
出畜穀所宜亦無一不具言甚簡而言之則如其詳古  
風邈矣踵事而增惟輪亡質簡明得實敘次有紀時會雖  
殊要亦良史材也雖然文章如面史材實難郡邑之志僅  
僅一隅然非才學識之優者不能博而不誣曠而不亂易  
家人之象曰言有物艮五之辭曰言有序自古及今文章  
之源流不一但言立而可垂於後未有出此兩言者今斯  
志也綜前五志而加以博稽固宜其言之有物矣若夫新  
意變例義法益精則所謂有序者殆庶幾焉非有史料諳  
史法曷克語此抑余聞凡水東流而無錫之水西流蓋太

無錫金匱縣志

原序

九

湖在邑西西北之水入焉而東境之水亦多折而入焉九  
峯二泉人人知爲名勝而洪湖巨浸枝津交渠蒲魚之利  
杭稻之產於是焉資是乃所謂生民之大命也余詳閱縣  
境全圖更覽志中唐太常鶴徵秦御史鑄河渠水利兩說  
故揭而著之爲凡官斯土者告焉乾隆壬申兵部侍郎兼  
都察院右副都御史江蘇巡撫番禺莊有恭  
無錫志始自元王仁輔三修於前明惟康熙庚午志最爲  
善本雍正四年析無錫境設金匱縣由是華鉞光徵君有  
金匱縣志之刻論者謂金匱所治故無錫境以志分屬金  
匱於例非宜乾隆庚午續修縣志仍統以無錫夫既析縣

矣存其實而沒其名論者亦病之閱嘉慶壬申余竊取舊  
志重加釐訂益以乾隆庚午以後邑乘之所當補入者志  
成名之曰無錫金匱志夫志之體近於史史有褒貶志有  
進退體例所繫既不敢槩徇其子孫之請進而誣其祖宗  
則一舉筆而誦即叢之巖中允序前庚午志引范石湖吳  
郡志之語以爲石湖之歿或詆志爲偽書藏於學官久而  
始白蓋撰述之難如此然竟避諱不爲舉戶口賦役之登  
耗人材物產之消長任其滅沒而無由考究又豈有世道  
人心之責者所宜出與余少時從族父鈞儀留心文獻垂  
數十年於茲嘉慶庚申自浙江臬使入覲過家已約老友

無錫金匱縣志

原序

十

俞君樸有重修縣志之舉無何余移官楚南俞君亦尋歿  
此事中輟迄今又逾十數年余以刑部侍郎謝政歸懼志  
之終廢也言於無錫金匱兩縣大夫始延吳江張君士元  
元和顧君曾襄編纂之役書未成而兩君散去余以一人  
兼而輯之從弟大光與司參校凡數易彙而後成余衰老  
廢學兩目昏翳用心雖勤萬不敢望如康熙舊志之善而  
事增又損於邑中學故或不無小補云是書開雕捐贊倡  
始者無錫韓侯履寵乙丑進士陝西城固人前金匱令閻  
侯登雲亦進士陝西鄜縣人權知縣事董侯和培舉人漢  
軍鑲白旗人今金匱令齊侯彥槐己巳進士安徽婺源人

嘉慶十八年癸酉嘉平月刑部右侍郎致仕秦瀛

楚南黃公南坡權守常郡政和民安百廢具舉公暇見郡志修於康熙甲戌已歷百有餘年慨然曰今郡邑有志猶古列國有史任其文獻脫落說謬疏闕無以示後來亦守土者之責也上其事於中丞裕公公然之遂檄所屬先各修邑志以備稽採屬邑令李孫兩侯舉邑中文學有宿望者數人具束帛掃館舍供飲饌俾得專心纂輯其無負太守意嗣毓公星甫還郡任亦敦勉不怠凡閱兩寒暑數易稿而成名曰無錫金匱續志庚子秋將付梓以書呈今太守月舫崇公并以志稿郵寄於余余讀之其體例一本秦

無錫金匱縣志

原序

一

少寇小峴先生所修嘉慶志其見於前志者不具載而補綴遺漏參校異同尤極詳慎即此三十年間習俗之變遷規制之因革人材之消長亦可概見惟自嘉慶甲戌以來邑遇偏災助賑樂施每逾十萬其好義甲於江以南數郡朝廷嘉之給予職銜茲備書其名并補錄前明正統間恩授冠帶者若而人而以今人附焉識者或譏其冗然善善從長以昭獎勵於世道人心不無裨益當亦史法所許也余舊忝史官今以視學奉天還朝備位卿秩清齋索然隔故鄉數千里不獲與諸君子蒐羅掌故商榷編纂而又重辱不棄屬以弁言得挂名於簡端余能無滋愧哉書共

十卷補圖一捐資開雕倡始者無錫李侯彭齡癸酉舉人

漢軍正白旗人前署金匱孫侯逢堯今金匱董侯用威丙申進士俱山陰人其奉檄敦勸者前署無錫司鐸胡君景熊蔣君如沂少府陳君嘉桂其纂輯者楊君熙之黃君承祖秦君文楷顧君翊嚴君葵邵君涵初而華君湛恩郭君導源丁君培薛君湘秦君昌煜亦襄事焉其始終集貲經理者則朱君培秦君達泉例得具書至作志之難及自元以來作志者之次第得失俱見於前人志序余不贅論也道光二十年歲次庚子孟冬太常少卿前國史館纂修翰林院編修侯桐謨

無錫金匱縣志

原序

三

修輯姓氏

監修

補用府卽補同知直隸州無錫縣知縣裴大中

五品銜金匱縣知縣倪成生

內閣中書銜無錫縣教諭舉人張雲生

國子監學正銜金匱縣訓導舉人殷如珠

總纂

二品頂戴歷署浙江鹽運使金衢嚴道浙江候補道秦湘業

分纂

記名御史刑部員外郎前翰林院庶吉士秦慶彤

無錫金匱縣志

修輯姓氏

一

截取知縣舉人丁培

運同銜候選知縣舉人秦臻

五品銜前署華亭縣教諭優貢生施建烈

廩貢生秦寶璣

廩貢生范鈞

收掌

五品銜前署金山縣訓導吳汝渤

內閣中書副貢生趙榮

采訪

知府銜江西補用同知前永新縣知縣傅煥綸

國子監學正銜沐陽縣訓導周士錦

考取八旗教習恩貢生王元錫

同知銜河南候補知縣廩貢生裘蔭梧

候選訓導廩貢生吳祥霖

揀選知縣舉人姚熙績

廩附生戴敬熙

附貢生楊殿奎

候選訓導廩貢生寶維鑑

總校

舉孝廉方正監生龔履純

無錫金匱縣志

修輯姓氏

二

候選訓導高光照

分校

同知銜大挑以教諭用周殿奎

同知銜大挑以教諭用蔣汝信

廩同貢生趙建勳

廩貢生龔志良

附貢生陸士椿

繪圖

監生楊昌初



凡例

一志莫先於地理而山川之形勢疆域之廣袤道里之紆  
徑非圖莫明舊圖轉輾沿襲訛舛滋多同治間荆辦江  
蘇輿圖分縣測繪足履而手量規方而計里法最精善  
惟期限苦迫涉歷未周踈脫之病亦間有之因取其法  
重加審測闕者補誤者正雖限於篇幅纘悉難賅庶幾  
綱舉目張有條不紊矣城圖舊作規圓茲從其實官廳  
學宮之屬並綴列焉至夫圖寫景物以為美觀大雅弗  
取亦康熙嘉慶兩志例也

一建置沿革表康熙志分州國郡縣四目其法因乎舊志  
無錫金匱縣志 凡例 一

惟州或為道為路為省為司郡或為州為府是未得以  
州郡概之茲略仿其體而去其目史記漢興以來諸侯  
王年表其例也曰置曰省曰分曰并曰改曰復曰升曰  
降書例也其有不用此數字者易代之後因乎其故也  
凡始皆稱置揚州之始不稱置者表之始即其始也亦  
史記諸侯王年表例也句吳不稱置者非朝廷所置也  
凡大書已明不加旁注如越并吳楚并越不問而知其  
出於春秋史記某州某縣繫於某代之下不問而知其  
出於某史若是者皆不注必有待別白者則注之本史  
無文見於他書者則注之

一序山水而及寺觀祠墓其例蓋昉於水經注不獨存舊  
迹且以為山水之表識也今志既各有專門自不容繁  
載有故則書之如有徐偃王廟而名廟塘山有龍王祠  
而名龍王山有華藏寺而名華藏山有孟忠厚墓而名  
孟灣山之類是也山分兩邑水則并書蓋有一水而兩  
邑公之者有分段各隸者至如運河為兩邑界而高橋  
以北則全屬錫北塘以東又全屬金此固不能區分者  
也舊志每於分界處注之他條或不具茲概省焉而特  
詳其界於疆域庶幾互檢而可知

一邑志賦役率據官書官書祇載現行事例至於徭役之  
無錫金匱縣志 凡例 二

流極今昔遷革之由往往闕焉然係於民生利病莫此  
為鉅詳既往以示將來固不容略也康熙志於徭役條  
列甚具乾隆志一切削之踈矣嘉慶志頗加增輯茲復  
掇拾故籍參以諸家文集及識小錄志外等書與革除  
現年全案綜其本末通為三條以補前人所未備闕  
之設弊孔多端其略亦見於識小錄志外今則毀闕為  
卡網益加密矣合而著之此則舊志所未嘗及也  
一舊志或分壇壝祠廟為二或合壇廟而別載諸祠夫文  
昌為天神城隍為地祇皆宜在壇壝之列今為廟貌非  
古也此壇廟之宜合也古者廟以祀人鬼若七廟五廟

之類是也祠者祭也公羊傳春曰祠鄭君云得求曰祠是也秦漢以來立祠奉神於是以居神者為祠寢與廟混而邑之祀松滋王侯或祠或廟名異實同則祠廟亦未可遽分矣今以祠祀括之而類別為五其梅村泰伯廟與惠山至德祠一為官建官脩一則子姓奉祀義例略殊故各以類繫焉

一職官表錄邑之官師而已其官制詳於史志非一邑所專例當省略舊志於表前總列歷代官制今分載表中注品不注俸俸視其品得其品而俸可知也漢官以石為等差即後世之品其月俸乃後世之祿米耳故於漢

無錫金匱縣志

凡例

三

注千石六百石晉以下注品凡史書有傳者則注某史有傳其但注有傳者則本志名宦傳也或史書本志皆有傳者亦但注有傳而注某史有傳於名宦傳下

一邑志人物上擬史傳載筆宜慎明志於選舉表中間注行實其列於傳者猶寡厥後表省而傳增乾隆志又益以耆碩等目迄於道光續志而著錄彌廣矣前後因仍援類依附亦其勢然也茲約本故例而輯錄之亦善善從長之義云爾若舊志所佚而搜補於續志及志外考乘諸書者願亦從而采摭或事屬傳疑他無表見則姑闕焉

史志藝文祇列其日文辭或散見於紀傳之中劉知幾嘗欲取詔誥章疏別為類次方志采輯詩文蓋本其意然志體與選家不同必其足以規風化備故實闢利病者始得編錄非徒以其辭之工而已舊志所錄既富不能無少出入而邑之遺文罕與哀集往往藉是以存故不忍其佚而多仍之要以嘉慶志為斷至於著述有目而無書者多矣兵燹之餘即近時之作八九亡失而故家藏稿莫能悉覩校核為難約而錄之或互見人物傳不能詳也若現存之人雖撰有成書概不列入蓋子雲既壯則悔其少作紫陽定論有待於晚年固非愛古薄

無錫金匱縣志

凡例

四

今之謂也

一門類次第多因舊志舊附紀事於兵防今特志兵事者以近會寇亂詮次加詳而采摭史事及邑之遺聞亦較備也舊附封邑於世家今改繫於建置表者以黃歇多軍之屬人不必賢可無傳也舊志方技分列書畫醫卜之類今據四庫書畫等屬藝術而史書則歸卜諸家亦為藝術故更之曰藝術善堂義莊舊附學校今類繫寢多事體亦差異故特志善舉善之園壑今皆廢矣故附於古蹟碑碣之類又附次焉則舊志散見而今別輯者也封贈蔭叙繁不勝書鄉飲之禮名存實廢故皆不



錄

一每類例有小序凡輯新志則易之蓋今昔異宜言事殊指不能強而同也若前人所云今亦云然則亦何必改乎故橋梁選舉文苑孝友行義者碩隱逸藝術流寓釋道風俗物產祥異藝文雜識等十五類其序多仍嘉慶志之舊或稍節焉意主乎述非有所苟簡也康熙志謂序言或為天下郡邑志之所同宜簡而切要今竊宗之

一宋時有無錫縣志久佚不傳而咸淳毘陵志間引其說元明諸志傳時邑中頗有其書自更變故存者亦鮮或藏不以示故所見者惟咸淳志康熙乾隆兩庚午志嘉

無錫金匱縣志

凡例

五

慶志道光續志而已外此之可資參討者則有黃印識小錄華湛恩錫金志外周有壬錫金考乘三家之書互有得失其關係之大者考訂之是者與說足備參者大都采錄其他遺聞佚事前人紀載尚多而放失殆盡莫從搜考見聞寡陋略奚辭

一粵寇之亂邑之死難者不可勝計其尤著者既立傳忠節矣至姓名之見於昭忠錄及其他有可采者固當輯而存之者也於是為殉難紳民表舊志錄列女姓氏自明以來至嘉慶間凡二千餘人道光間總旌例開選紳

之見於昭忠錄者幾五千人近年由學彙詳者又二千餘人其列於志傳與節婦見存年例已符而未及旌表者猶不在其列可謂多矣此又志所不勝載而當列存之者也於是為列女姓氏錄並繫於終篇

無錫金匱縣志

凡例

六